



Creating
an inclusive
community
together

ANOTUSI

1. Fono a Fuafuaga Faufautua (O le Fono)
2. Fono faitele ma faatalanoaga e lagolago ai le faatinoga o le Fuafuaga
3. Upega Tafa'ilagi a le Fuafuaga
4. Ta'iala o Faatinoga Lelei mo le Faamau o Tagata e iai Aafiaga Tumau i le Soifua
5. Toe Iloiloga o le Fuafuaga Faamau

Fuafuaga Faamau

O le Fuafuaga Faamau Faata'atia o Tagata e iai Aafiaga Tumau i le Soifua a Ausetalia (Australia's Disability Strategy Engagement Plan, Fuafuaga Faamau) e ootoo ia auala o le a aofia ai tagata e iai aafiaga tumau i le faatinoga o le Fuafuaga o Tagata e iai Aafiaga Tumau i le Soifua Ausetalia (Australia's Disability Strategy, le Fuafuaga) i luga o vaitaimi fuafuaina. E aofia ai le iai o le mata'iaioi i le mataitūina ma le lipotiina o lona faagasologa. O foliga o le Fuafuaga Faamau o le a avatu ai i tagata e iai aafiaga tumau ni auala e aafia ai le agai i le lumana'i o faavae ma 'auaunaga e aafia ai o latou olaga.

Ina ia faatino lelei le Fuafuaga, e tatau ona lagona leo ma amanaia manatu o tagata e iai aafiaga tumau, paaga o le vaega o tagata e iai aafiaga tumau, ma kulupu eseese i totonu o le vaega. O le feso'ota'iga ma kulupu e pei o tagata Apoliki ma Atumotu o Torres Strait e iai aafiaga tumau i le soifua ma tagata e iai aafiaga tumau mai nuu e eseese aganuu ma gagana o le a faamautinoa ai le aofiaga ma le iloiloga o le tele o manatu.

1. Fono a Fuafuaga Faufautua (The Strategy Advisory Council, O le Fono)

O le faavaeina o le Fono na fai faatasi ma le amataga o le Fuafuaga i le 2021.

O le matafaioi a le Fono o le fautuaina lea o tagata Ausetalia, sitete ma minisita o tagata e iai aafiaga tumau i le soifua i le teritori, malo (aofia ai fono faaitumalo) i tulaga taua o le Fuafuaga, e aofia ai:

- Matati'a mo Fuafuaga Faatino
- Fuafuaga Aafaatasi
- Auivi o l'uga
- lipoti o faagasologa/faatinoga faavaitaimi.

O le fautuaga a le Fono i nei mataupu o le a:

- o gatasi ma le faavae lipotia o le Fuafuaga ma aofia ai i le lipoti atu i minisita ma le lautele
- avatu fautuaga i isi mataupu o loo taatia i totonu o le lautele o le Tainuuga o Vaega o le Fuafuaga (Strategy's Outcome Areas), pe afai e malilie ai le puleaga.



O le a faafaigofie le avea ma sui taua o le Fono ma filifili mai vaega o paaga autū¹. E lē itiiti ifo ma le afa o sui auai o tagata e iai aafiaga tumau i le soifua. O vaega e tatau ona faamuamua mo le avea ai ma sui o le Fono e aofia ai:

- Tagata Apoliki ma Atumotu Torres Strait
- tagata mai aganuu ma gagana eseese
- tama'ita'i
- autalavou
- tagata na nonofo i nuu i tua ma nofoaga mamao.

O le a auai atu le Ta'ita'i o le Fono i le fono e tasi a minisita o tagata e iai aafiaga tumau i le soifua i tausaga ta'itasi ina ia avatu iai se fautuaga.

O le a feso'ota'i lalata le Fono ma vaega faufautua o tagata e iai aafiaga tumau i le soifua i le setete ma le teritori.

E ono lagolagoina le Fono e nai vaega-laiti faavaitaimi-tapulaa e pei ona mana'omia, ina ia aumai faatasi tagata e iai aafiaga tumau i le soifua ma o latou sui, au popoto, ma faalapotopotoga e fautua i mataupu e maualuga ona faamuamua mo faatinoga i lalo o le Fuafuaga.

2. Fono faitele ma faatalanoaga e lagolago ai le faatinoga o le Fuafuaga

E itiiti ifo ma le tasi se fono faitele poo se faatalanoaga o le a faia ina ia lagolago ai le faagaioiga o Fuafuaga i tausaga ta'itasi mai le 2022 i le 2031 (vaai le faasologa o taimi i totonu o le Auala Faataatia i luga o le upega tafa'ilagi a le Fuafuaga) e aofia ai:

- le tolu o Fono Faitele a le Fuafuaga a le Atunuu (Strategy National Public Forums, Fono Faitele a le Atunuu) i luga o le vaitaimi o le Fuafuaga, ma le fono muamua e faia i le 2022
- itiiti ifo ma le fa Fono o Fuafuaga a setete ma teritori i luga o le vaitaimi o le Fuafuaga, i totonu o tausaga e lē o faia ai le Fono Faitele a le Atunuu
- tolu faatalanoaga faitele i luga o le taimi o le Fuafuaga, ina ia o gatusa ma iloilogaga tetele o le Fuafuaga, aofia ai le tasi i totonu o le tausaga ae le'i mae'a le Fuafuaga.

O tagata e iai aafiaga tumau i le soifua maloloina ma faalapotopotoga e pei o le Komisi o Aiā atau a Tagata Ausetalia, Faalapotopotoga o Tagata e iai Aafiaga Tumau i le Soifua, ma Faalapotopotoga o Sui Auai o Tagata e iai Aafiaga Tumau i le Soifua o le a aofia i le mamaluina, faatulagaina, ma faatinoina ia fono faitele ma faatalanoaga.



3. Upega Tafa'ilagi a le Fuafuaga

Na faia se upega tafa'ilagi faapitoa ina ia faafaigofie ai ona maua faamatalaga lata mai i le Fuafuaga. E aofia ai:

- se faitoto'a o faamatalaga e avatu ai se avanoa aofa'i-tasi mo faamatalaga e uiga i le Fuafuaga, e aofia ai Faavae o Faai'uga ma Fuafuaga Faatino, ina ia faalauiloa ma mafai ai e tagata ona faigofie ona saili mea o lo'o fia maua
- mea o tutupu ma le upu 'what's new' e aumaia faamatalaga lata-mai-nei e uiga i le Fuafuaga Faamau e pei o fono faitele ma faatalanoaga, faapena fo'i ma le tatala mai o faamatalaga taua ma faiga faavae
- se 'aunaunaga faaali manatu i luga o le upega tafa'ilagi ina ia faaaauu faatalanoaga mo le nuu atoa lea o le a galulue i luga o le Fuafuaga.

4. Ta'iala o Faatinoga Lelei mo le Faamau o Tagata e iai Aafiaga Tumau i le Soifua

O loo faatupeina e le Malo o Ausetalia le atina'ega o Ta'iala o Faatinoga Lelei mo le Faamau o Tagata e iai Aafiaga Tumau i le Soifua. O tagata e iai Aafiaga Tumau i le Soifua na saunia fautuaga i le atina'eina o le Fuafuaga na ta'uina mai ia matou o le ta'iala o faatinoga lelei o le faamau o se puna'oa taua tele. O lenei ta'iala o le a fesoasoani e aveese papuipui o le fai ma sui mo tagata e iai aafiaga tumau i le soifua ma umia o latou aiā tatau ina ia maua ai avanoa tutusa i totonu o le nuu e pei o isi tagata uma.

O le Ta'iala o le a faia e se faalapotopotoga tuma'oti e tasi pe sili atu ma iai le tomai i tulaga tau aafiaga tumau i le soifua ma auai ma feso'ota'i ma tagata e iai aafiaga tumau i le soifua. O tagata e iai aafiaga tumau i le soifua o le a aofia i le ogatotonugalemu, ma fautua i le, ta'iala a'o atina'eina.

5. Toe fai su'esu'ega o le Fuafuaga Faamau

I le olaga atoa ole Fuafuaga, o le a faaaauu pea e le Malo o Ausetalia ona iloilo le aoga o gaiouga o le faamau ma su'esu'e ni fono faamau fou. O le a faafou le Fuafuaga Faamau e pei ona mana'omia.

¹ O paaga taua e aofia ai tagata e iai aafiaga tumau i le soifua, tagata o aiga ma e tausia tagata e iai aafiaga tumau i le soifua; faalapotopotoga e avee ma sui o tagata e iai aafiaga tumau i le soifua, tausia tagata poo 'aunaunaga tautua; tagata popoto faainisinia ma a'oga; faalapotopotoga poo tagata ta'ito'atasi e fai ma sui o matagaluega taua o loo o gatasi ma Taunuuga o Vaega o le Fuafuaga.